



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ecclesiæ Ac Doctrinæ Lutheranæ Veritas, Ab  
impugnationibus Novissimorum Papistarum, Præcipuè  
Jodoci Kedpii, Nec non Viti Erbermanni, Vindicata**

**Nifanius, Christian**

**Bilfeldiæ, 1673**

§. 27.

**urn:nbn:de:hbz:466:1-35616**

feli parts agat Bellarminus. Nihil est, quod hic Svenfeldius improbaverit. Scilicet, Verbum Dei scriptum & prædicatum ad moveri tantum auribus, solum proponere obiectum, non autem attingere mentem, non communicare lumen, non accommodare legentium vel audientium cordibus, quæ proponit, non semper adesse ex parte Dei animum convertendi & ad salutis participationem promovendi : Esse autem aliud aliquid verbum internum, absconditum, particulari aut potius singulari Dei dispensatione communicabile, quo Deus in paucorum, quibus verbum proponitur, corda agit, mentes penetrat, tenebras pervadit, ut lumen infundatur, affletur initium bonæ voluntatis, excitetur desiderium bonum & potentiae rationales in universum in Deum dirigantur. Hoc Bellarminus cap. XII. præcedente §. 16. vocat, vocationem altam atq; secretam. Vides, inquit, gratiam Dei efficacem, quæ infidelium corda convertit & voluntatem bonam operatur in nobis, esse vocationem altam atq; secretam, quæ sensum internum, id est, mentem agit atq; illi persuadet, ut sensum doctrinæ, quæ sibi prædicatur, accommodet.

## §. 27.

Deinde non ex privato sensu vel præcon-

conceptis opinionibus, sed ex ipsius scripturæ contextu, antecedentium & consequentium collatione, verborum proprietate & locorum parallelorum studiosa examinatione, secundum ipsam scripturam & fidei analogiam, sensum ex scriptura eruimus. Hoc quando facimus, pro verbo Dei minimè proprium sensum & privatum vertiginis spiritum obtrudimus. Nulla expeditio scripturæ fieri debet propria interpretatione, hoc est, proprio ingenio sit excoigitata. Talem, refellit S. Petrus 2. epist. I. 20. ubi in specie illam rejicit *ἰδίᾳν ἐπίλυσιν*, quæ fit autoritate & impulsu proprio, ex causa privata, fine privato, instinctu ac fictione privata. *ἄτερ γένος*. Potest quidem *ἐπίλυσις* fieri ab una persona; sed cavidum, ne fiat ex corruptis illius personæ principiis, verum ex *ἴδιῳ χρισματῳ* per Spiritum S. *διαιρέσντα ἡδας ἐκάστῳ καθὼς οὐλεῖς* 1. Cor. XII. II. & *καὶ ἀναλογίαν πίστεως* Rom. XII. 6. Potest etiam unusquisq; esse Jūdex dogmatum, sed attendendum ne Spiritum suum quisque sequatur, verum ut Spiritus S. in scripturis proposito judicio attendat, & ad ejus tenorem omnia examinet, juxta Paulum 1. Thess. V. 21. Ju-

F 5 bet

bet Salvator scrutari scripturas Joh. V. 39. non  
 solum Judæos, sed omnes illos, qui testimoniū  
 fidei de Christo requirunt, quiq; vitā  
 æternam obtainere volunt, non repugnante  
 Bellarmino lib. I. de V.D.C. 3. primum si res ita  
 se habet, inquit, et nihil ad nos S. literæ pertinent, cur  
 ipse Christus ait Joh. V. Scrutamini scripturas?  
 Cur Paul. tot lit. scripsit? Cur i. Tim. 4. discipulum  
 monuit, ut lectioni operam daret. Sic fuerunt Ber-  
 rhoenses τὸν αὐτὸν μέσον ἀνακριβῶντες, an ea, quæ  
 Paulus prædicabat, ita se habent, Act.  
 XVII. II. Chrysost. h. l. expendit emphasis in voca-  
 buli ὁ χαρτλῶς, inquit, ἀλλὰ μετ' ακριβέστατος οὐκρεύνων  
 τὸν γένεθλον τοῦτο εἰ τὸ ἀνέγκινον, ένθάδενοι απ' αυ-  
 τῶν πληροφορέαται μᾶκλον τείχιτῶν πάθεις λαβεῖν. Non  
 simpliciter, sed cum diligentia scrutabantur scriptu-  
 ras: Hoc enim sibi vult illud, dijudicabat. Volebant  
 enim à seipsis plenā persuasionem comparare de passi-  
 one. Idē homil. XIII. in 2. Cor. Quomodo non ab-  
 surdum, eos, qui de pecuniis agunt, aliis non credere,  
 sed numero calculoq; committere, qui autem de rebus  
 judicandis, aliorum sententiis simpliciter distrahi?  
 Maximè cum in promptu habeant omnium rerum  
 exactam trutinam & grumum & regulam, Divina-  
 rum rerū sententiam. Quamobrem ab omnibus vobis  
 postulo, ut omisso quid cuiq; videatur de rebus,  
 omnia è Divinis scripturis sciscitemini. Hinc  
 Apostolus scribit Corinthiis 1. epist. X. 15.  
 ut peritis loquor, judicate vos, quod ajo : Thel-

salonicensibus i. epist. V. 22. *Explorate o-*  
*mnia, quod bonum est, tenere : aliisq; fidelibus*  
*precatur, ut charitas eorum magis redundaret in*  
*cognitione & omni sensu ; ut dignosce-*  
*rent que discrepant , Phil. I. 9. Hæc omnia*  
*bene observans Cyrus Hierosolymitanus non*  
*solum tale judicium discretivum privatum*  
*omnibus fidelibus, sed & unicuiq; suorum*  
*Catechumenorū tribuit, quando Catecheses,*  
**XII.** eum sic alloquitur : *Non attende meis com-*  
*mentis (commentariis) posses enim forte decipi, sed*  
*nisi Prophetarum de singulis acceperis testimoniū,*  
*nec credas assertionibus. Conf. Augustin. lib. XIII.*  
*Confess. c. 23. Tom. I. Frustra vociferantur*  
*Romanenses nos officiū Pastorum & Au-*  
*ditorū confundere. Post reliquos Valerian M.*  
*in judicio de Acatholico & Catholic. re-*  
*gula credendi Nostris impingit quasi doce-*  
*amus quemlibet & quamlibet posse ac debere diju-*  
*dicare ex sacro textu lecto vel auditio, etiam totius Ec-*  
*clesiae doctrinam de essentialibus fidei, utrum concor-*  
*det aut discordet à sacro textu. Vide præfat. pri-*  
*orē & poster. responsione ad D. Jac. Martini*  
*c. XXI. lib. IV. c. XI. lib. VIII. cap. XXXII. XL.*  
*Schefflerus part. I. causar. fundat. temerè scri-*  
*bit p. 86. Nostram Ecclesi. nullo constare ordine, &*  
*quoad Regimen Ecclesiast. succumbere Gentilibus. Sed*  
*hic disting. inter judiciū εξουσιακὸν & θεοφυτικὸν*

quod non nisi doctorum est 1. Cor. XII. 10.  
 & ~~δοκιμασίαν~~ quod Auditoribus quoque  
 competit. Quo admisso non tollitur ordo  
 ministerii Ecclesiastici, cum judicium ~~τε~~  
~~Φητικὸν~~ Pastoribus Ecclesiae juxta doctri-  
 nam Spiritus S. salvum maneat. Omnes  
 tenemus quærere regnum Dei & justitiam  
 ejus in sacris literis, quilibet tamen ~~καὶ οὐδὲν~~  
~~δωρεὰν~~ & talenta à Domino distributa;  
 Interim recte Doctores ac Ecclesiae Pasto-  
 res collatis sententiis ad normam sacrarū  
 literarum controversias decidunt, articu-  
 los fidei determinant, definiunt, suis tamē  
 sententiis nullius fidei dominantur, sed  
 aliis Prophetis eas subjiciunt. Plura in  
 hanc sententiam allata in ostens. de Carolo M.  
 tit. ultimo §. 59. pag. 1054. seq.

## §. 28.

Porrò ipsi Papistæ viderint, annon  
*pro verbo Dei proprium sensum & privatum*  
 Pontificis Romani spiritum nobis obtrudant.  
 Quanquam enim ad scripturas sacras &  
 Verbum Dei ut omnium controversiarū  
 unicam & infallibilem normam identidem  
 provocent, attamen eo tantum sensu eam

in-